

發刊詞

黃盛源

夫德教，乃以德教化於人，亦古聖先賢之悲天憫人，而挽頹風於亂世也。蓋人心趨善，則社會安，道德興，則是非息，擴而廣之，則舉世皆尚德，又何有是非爭奪之事乎。是知德之與人立身處世，誠善莫大焉。

當茲世風瀕淪，爭奪擾攘之今日，冀以矯頹風，挽狂瀾者，捨提倡德教，未能致之。所謂以德化人，以德輔世，亦即示人對行為之正邪善惡，有所判別，導人向善從德而邁進已耳。

南洋德教總會，肇創於今，已屆六週年矣，先是甲午年間星洲紫新閣成立之後，發展教務於馬來聯邦，各地聞風景崇，而後有馬六甲紫昌閣，峇株巴轄紫英閣，檳城紫雲閣，霹靂紫明閣，雪蘭莪紫芳閣，安順紫蓬閣，利豐港紫光閣，柔佛紫書閣，先期完成九個德教會，聯合組織總會。再有砂朥越紫霞閣，威省北海紫威閣，森美蘭紫森閣，邦谷紫邦閣，威南爪夷紫儀閣，哥踏丁宜紫登閣等分別成立。得全體同德，導崇師訓，恪守德規，戮力同心，開誠佈公，會務次第發展，道德日益闡揚。內面脩持克己，外而濟世導人，年來如贈醫施葯，所費不貲，以及救災恤難，施棺贈葬，派衣給米，刊印善書等等，莫不竭盡棉力以赴，本會同人未敢自詡自滿，然會務工作，尤推行不懈，亦誠堪稱無憾，可告慰於匡助德教之社會人士者耳。

盛源不敏，是屆承各閣雅愛，推膺重任，祇以發展德教，責無旁貸，不顧譴陋，追隨先進，勉力負荷，時光迅速，條屨一載，檢討過去，愧乏建樹，心殊歉仄，環觀各地德會，得各閣長暨諸德友衷誠合作，對德教真義之弘揚與福利事業之策進，勤奮不怠，同仁從善立德，捐資出力，萬眾一心，各界善長熱切支持，亟應加以表揚，而勵來者，援有是刊倡印之議，謹錄近年聖賢箴規，並將四、五、六、三屆成立與威蓬盛會報刊，彙輯成書，俾貢獻於社會愛護德教諸公之前，庶幾會務日進無疆，正理普化，世道康平，有厚望矣，謹綴數言，弁於刊首，願與同德共勉。